



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXIV. Ein kauff vnd haubtbrief, Dorinne Engelke, Hanss vnd Ekhart, gebrudere von Warborgk, dem Closter vorkauffen Alle Ire gerechtikheit an Pachten, Renten, Dinsten vnd Richten In den dorfern Werben ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

LXIV. Ein kauff vnd haubtbrief, Dorinne Engelke, Hanfs vnd Ekhart, gebrudere von Warborgk, dem Closter vorkauffen Alle Ire gerechtikeit an Pachten, Renten, Dinften vnd Richten In den dorfern Werben vnd Flatow für 810 Mark Vinkenogenn u. f. w.

Inn deme Namen der hilgenn vnd vnſcheidenenn Driualdicheitt Amenn. Vp datt die Ding, die geſchin In der tidt, mitt der tidt nicht vorgann, So Iſs noth, datt menn mitt ſchriftenn vnd Ingeſegeln datt beware. Hiramme Ick Engelke, Hanfs vnd Eggard, Bröder, alle gehetenn Warborge, Bekennenn vnd betugenn mitt diſſem Jegenwerdigenn vnſenn openn breue vor alle denn Jenenn, di en ſeenn, hörenn edder leſenn, datt wie mitt beradenn mode, vngenodigett vnd ane allenn Dwangk, recht vnd redelikenn vorkofft hebbenn vnd Jegenwerdich vorkopenn Inn diſſem openn breue denn erwerdigenn Hern, Hern Hinricke, Abbete, vnd dem gantzenn Conuente deſs Cloſters tho der Hemmelporte Alſodane guder, pachte vnd renthe, Richte vnd dinſte, Hogefte vnd ſideſte, In ſeldenn vnd dorppenn to Werbende vnd tho Vlatow, vor Achtehundert vnd tein mark guder vinkenogenn penningenn, di Inn vnſenn vnd vnſer eruenn nutt vnd vromenn gekomenn ſindt. Diſſe vorbenömbde kop ſchall ewich dem Conuente tho der Hemmelporte bliuenn, vnd wie vnd vnſe eruenn vnd nakomlingenn beholdenn vnſs ann denn vorſchreuen guder, pacht vnd Renthenn nichteſs, vnd willenn vnd ſchölen dem Abbete vnd Conuente vorbenomett eine rechte were weſenn vor vnſenn veddern allenn, watt Warborge benömett ſindt, vnd vort vor alle denn Jennen, die vor recht komenn vnd rechteſs genitenn vnd entgeldenn willen. Vortmehr beholde wie vnſs datt kerklehn In ſodaner wiſe, datt die Abbett tho der Hemmelporthe vnd wie mett vnſenn eruenn tho hope vnd mitt eindracht datt vorbenömbde kerklehn lihenn ſchölen, wenn ed loſs werdt. Diſſe vorbenömbde Summa penninge hebbe wie entfangenn tho der nuge mitt vnſenn rechtenn eruen vonn deme vorbenömbdenn Abbete vnd Conuente deſs Godeſhufes tho der Hemmelporthe. Diſſe vorbenömbdenn Artickell vnd ein Iglich bie ſick vnd tho einer grotten bewaringe deſs Cloſters tho der Hemmelpor-
 tenn Hebbe wie Johann, vonn Godeſs gnadenn Hertoge tho Meckelnborch, tho Stargarde vnd Roſtock herre, mitt vnſem rade, Alſs nemlikenn Her Hinrike Oſterwolde, vnſenn Caplann, Wilke lubberſtorpe, Vicke Jentzekow, Lippoldt Bere, Clauſs kule, Henning parſſenow, alle vnſenn leuenn getruenn, vnd ander mer woll louennwerdich, diſſenn koep gededingett. Datt diſſe ding ſtede vnd vaſte vnuorbrokekenn bliuenn. So hebbe wie vnſe Ingeſegell mitt den vorbenömbdenn Engelkenn, Hanſe vnd Eggarde, brödern gehetenn Warborge, Vnd Ik Engelke, Hanfs vnd Eggardt Warborge vorbenomett willenn vnd ſchölen diſſenn koep ſtede vnd vaſte holdenn, ſunder Jennigerley Nye Inſindinge, Infall vnd Argeliſt, Vnd hebbenn deſs tho tuge vnd groter bewaringe vnd willicheitt vnſe Ingeſegell mitt deſs vorbenömbdenn vnſeſs gnedigenn herren Ingeſegell lathenn hengenn ann diſſenn openn brief. Gegeuenn vnd geſchreuen tho Lichenn, na Chriſti geborth vierteihundert Jar, darna Inn deme ein vnd drut-
 tegeſtenn Jare, deſs Dingſtageſs am dage Marcelli, deſs hilgenn Merterer.

Dass diſe Copej mit Irem Rechten Pergamenen vnd beſigelten Original Auscultiret vnd Collationiret vnd demſelbenn allenthalbenn gleichlautende ſey, Dass betzeuge Ich Erasmus Seydell, offenbarer Notarj, mit diſer meiner eigen handſchrift.